



Comissão Nacional de Eleições

Avenida Bispo de Madeiros,
Kintal Bo'ot, Dili, Timor Leste
Telefone : 3310373

Hamrik iha Imparsialidade, Independensia no Transparansia nia Leten

Komunikadu Imprensa CNE, Nú. 1/10/2011

06 Outubrubru 2011

Resensiamentu Eleitoral Nu'udar Faze Preparasaun ba Eleisaun

Iha Konstituisaun artigu 65 nú. 2, kona-ba Eleisaun sira hateten katak prosesu resensiamentu eleitoral ne'e obrigatóriu, ofisiál no ida de'it no universal no sei aktualiza iha eleisaun ida-idak.

Atu asegura katak prosesu Aktualizasaun Baze de Dadus no Resensiamentu eleitoral ne'e la'oi tuir duni kriteria maka kontempla iha Lei, tuir Lei nú. 5/2006 artigu 8 fo kompetensia ba CNE, katak Comissão Nacional de Eleições deit maka bele aprova no halo supervizaun ba prosesu refere.

Resensiamentu eleitoral ne'e obrigatóriu no vota ne'e hanesan dever síviku sidadaun ida-idak nian, maibé nu'udar sidadaun ida maka diak no iha responsabilidade tenki involve iha prosesu refere, tanba ita hatene katak ema ida nia votu sei determina futuru nasaun nian.

Bazeia ba mensazen ne'ebé maka lideransa komunitaria balun fo sai iha jornal, katak sei tau ketak tiha sidadaun sira maka la tuir vota iha eleisaun 2012 iha suku ida. Tuir CNE nia hare' mensazen ne'e la iha baze legal.

No hakait ba Kódigu Penál artigu 229 to'oi 242 kona-ba Krime Eleitoral, liu-liu iha artigu 234 kona-ba obstrusaun ba liberdade atu hili, katak (ema ne'ebé ho violensia, ameasa ho violensia ka artifísiu fraudulentu halo obriga ema seluk, hasoru nia vontade, la vota ka vota ho sentidu determinadu ka sosa ka fa'an votu sei hetan pena prizaun to'oi tinan tolu(3) ka multa).

Kaer ba Lei nú. 3/2009 kona-ba eleisaun ba lideransa Komunitaria, fo kompetensia lubuk ida ba autoridade lokal sira, maibe iha ne'ebá la estipula kona-ba obriga sidadaun ka eleitor ruma atu ba vota.